

**Naartunermi, erninermi meeravissiarthaarnermilu sulinngiffeqartarneq pillugu Inatsisartut inatsisaat nr. 5, 19. november 2020-meersoq UKA24-mut allannguutissaanik siunnersuusioqqullugit Naalakkersuisut peqquneqarnissaannik inatsisartut aalajangiiffisassaattut siunnersuut, taamaaliornikkut ataataaqataasup ernereernerup meeravissiarthaareernerulluunniit kingorna anaanaaqataasut assigalugit sulinngiffeqarsinnaalerseqqullugu.**

(Inatsisartunut ilaasorta, Peter Olsen, Inuit Ataqatigiit)

### **Akissuteqaat**

(Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisoq)

### **Siullermeerneqarnera**

Siunnersuummut matumunnga Peter Olsenimut, Inuit Ataqatigiit, qujanaq.

Ataataaqataasut anaanaaqataasut assigalugit assinganik pisinnaatitaaffeqalerlutillu pisussaaffeqalernissaat qulakkiissagipput Naalakkersuisut isumaqataapput. Inuiaqatigiinni nutaaliaasuni inuuvugut, tamatumani ilaqutariinneq assigiinngitsorpassuartut isikkoqarsinnaavoq. Inatsiseqartitsinitta tamanna naapertorlugulu ataqqisassaraa.

Inuiaqatitsinni ataataaqataasunut pisinnaatitaaffiit qulakkeerneqarnissaat Naalakkersuisunit pingaartinneqartorujussuuvuq. Inuiaqatigiinni ilaqutariit namminneq piumasaminnik ilusilersuisinnaasut aamma innuttaasut ilaqutariillu tamarmik assigiimmik periarfissaqartinneqartut kissaatigaavut.

Ataataaqataasut sulinngiffeqarneq pillugu pisinnaatitaaffeqalissappata, ernineq pillugu inatsimmik allannguneq naammanngilaq. Nalinginnaasumik inatsisiliornitsinni ataataaqataaneq akuerineqaaarlunilu atulersinneqaaqaaassaaq.

Angutit marluk ataataaqataaniarlutik kissaateqarpata, meeqqamik naartusussamik arnamik pisariaqartitsipput. Tamanna taaneqartarpoq allanut meerartaassamut arnamik naartutitsineq. Arnaq erniguni, meeqqamut anaanaasutut nalunaarsorneqassaaq. Arnep meeqqamut anaanaaneq kissaatiginngippagu, meeraq meeravissianngortittariaqarpaa. Taassuma kingorna ataataaqataasup meeraq meeravissiarthaarisinnaavaa. Tamatumunnga ingerlaneq ukiunik arlalinnik sivisussuseqarsinnaavoq.

Meeraq inunnguinnartoq ataataaqataasut pisinnaatitaaffilissagutsigit, allanut meerartaassamik arnamik naartutitsineq pillugu oqalliseqqaartariaqarpugut. Qanoq ililluta angutitut meerartaarnissamik kissaateqartunut aamma arnamut taakkununnga meerartaassamut naartusumut mianerinninneq pitsaernerpaaq angussavarput? Ataataasut aamma ataataaqataasut naligiissinneqarnissaat qulakkeerniarlugu, inatsiseqartitsinermi pissutsit takoqqaartariaqarpagut, qitornassanik meeravissiarthaarnissamut suliassanik sularinnittarneq sivisooq tunngavigalugu ataataaqataasut meerartaarnermut atatillugu sulinngiffeqarnermut pisinnaatitaanerat annaaneqartoq meeravissiarthaarnermut malittarisassaniimmata. Qitornassanik meeravissiarthaarnermi piumasaqaatit ilaat tassa ukiut marluk affarlu angullugit ataataaqataasut meeraq najoqqaarsimanissaanik piumasaqaatitaqarpoq, taamaalillutillu

ataataaqataasumut meerartaarnermut atatillugu sulinngiffeqarnissamut pisinnaatitaanerit  
annaaneqartarlutik

Taamatut Naalackersuisut oqaaseqarlutik allannguutissatut siunnersuut manna  
saqqummiuppaat:

Angajoqqaanut suaaraqatigiittunut pisinnaatitaffiit periarfissallu pillugit UKA2024-mi  
nassuiaammik saqqummiinissamut Naalackersuisut peqquneqarnissaat pillugu Inatsisartut  
aalajangiiffigisassaattut siunnersuut. Inatsiseqartitsinerimi pissutsit pillugit nassuiaammik  
peqalerutta, suliassaqarfimmi matumani inatsisitigut allannguinnissamik pisariaqartitsineq  
pillugu Naalackersuisut suliamik ingerlatitseqqikkumaarput